

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD MOSTAR
POZORIŠTE LUTAKA U MOSTARU

PRAVILNIK
O POSTUPKU DIREKTOG SPORAZUMA
POZORIŠTA LUTAKA U MOSTARU

Mostar, 15.10.2020.

Na osnovu člana 90. Zakona o javnim nabavkama Bosne i Hercegovine ("Službeni glasnik BiH" broj 39/14), člana 17. Pravila Pozorišta lutaka u Mostaru i člana 8. Pravilnika o postupku direktnog sporazuma Agencije za javne nabavke (Službeni glasnik BiH" broj 90/14), Upravni odbor Pozorišta lutaka u Mostaru na svojoj redovnoj sjednici održanoj dana 15.10.2020. godine donosi:

PRAVILNIK O POSTUPKU DIREKTOG SPORAZUMA

Član 1.

(Predmet Pravilnika)

Ovim se Pravilnikom definira postupak javne nabavke roba, usluga i radova putem direktnog sporazuma u Pozorištu lutaka u Mostaru (u daljnjem tekstu: Pozorište).

Član 2.

(Principi dodjele direktnog sporazuma)

Pozorište će postupak direktnog sporazuma provoditi na način da se osigura poštovanje principa propisanih članom 3 Zakona o javnim nabavkama (u daljem tekstu: Zakon).

Član 3.

(Uslovi za primjenu direktnog sporazuma)

(1) Postupak direktnog sporazuma može se provesti kada je procjenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM bez PDV-a.

(2) Ugovorni organ može tokom jedne godine za isti predmet nabavke potrošiti do 6.000,00 KM bez PDV-a putem ovog postupka.

(3) Uslov za primjenu direktnog sporazuma je:

- a) da je takva nabavka predviđena planom nabavki ili
- b) da je donesena posebna odluka o pokretanju direktnog sporazuma u skladu sa članom 17. stav (1) Zakona.

Član 4.

(Procjenjena vrijednost)

(1) Procjenjena vrijednost javne nabavke koja se dodjeljuje direktnim sporazumom vrši se u skladu sa članom 15 Zakona.

(2) Procjenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.

Član 5.

(Početak postupka)

Postupak direktnog sporazuma započinje donošenjem odluke ugovornog organa, u pisanom obliku, koja sadrži sve elemente iz člana 18 stav (1) Zakona.

Član 6.
(Izvršenje postupka)

Ugovorni organ u provođenju postupka direktnog sporazuma vrši sljedeće radnje:

- a) ispituje tržište,
- b) traži pisani prijedlog cijena ili ponuda od jednog ili više privrednih subjekata koji obavljaju djelatnost koja je predmet javne nabavke,
- c) pregovara sa ponuđačem/ponuđačima o cijeni,
- d) prihvata prijedlog cijene ili ponudu jednog ponuđača,
- e) predlaže ugovornom organu zaključenje ugovora u skladu sa odredbama člana 8. ovog Pravilnika

Član 7.
(Izbor ponuđača)

(1) Kod izbora ponude na osnovu koje će biti dodijeljen ugovor, ugovorni organ, primjenjujući principe iz člana 2 ovog Pravilnika, treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke.

(2) Ugovorni organ bira ponuđača na način koji garantira najbolju razmjenu vrijednosti za novac. Kada vodi pregovore koji se odnosi na prijedlog cijene ili ponudu ugovorni organ djeluje u skladu sa dobrom komercijalnom praksom.

(3) Kada traži prijedlog cijene ili ponudu, ugovorni organ daje ponuđaču/ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke.

Član 8.
(Zaključivanje direktnog sporazuma)

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije,
- b) Kod nabavki čija vrijednost je viša od 1.000,00 KM, ugovorni organ je dužan zaključiti ugovor o direktnom sporazumu u pisanoj formi,
- c) Ugovor se mora zaključiti u roku od 10 (deset) dana od dana obavještanja učesnika postupka o izboru najpovoljnijeg ponuđača.

Član 9.
(Stupanje na snagu)

Ovaj Pravilnik stupa na snagu prvog narednog dana od dana objavljivanja na oglasnoj ploči Pozorišta lutaka u Mostaru, a objavit će se i na web stranici Pozorišta lutaka u Mostaru.

Broj: 06-39/20
Mostar, 15.10.2020. godine

Selma Salčin
Predsjednica Upravnog odbora